

¡BOMBA!

Habrá quien no quiera ver
signos de estabilidades
pese a calamidades
que nos tocó padecer



K'uintsil

Edición de fin de semana, del viernes 2 al domingo 4 de septiembre de 2022

CAMPECHE · YUCATÁN · QUINTANA ROO · AÑO 8 · NÚMERO 1815 · www.lajornadamaya.mx

K'ANXOK BÁAYENÁA

U ASAB NOJOCH KAYIL LE YÓOK'OL KAABA'



U sientifikoil K'aaba' K'anxok báayenae' *Rhincodon Typus*, ts'o'okole' je'el u kuxtal tak 100 ja'abo'obe'; ba'ale' Unión Internacional para la Conservación de la Naturaleza u táakbesmaj ichil le ba'alche'ob sajbé'entsil yanik u ch'éejelo'ob. Suuk u yila'al ichil u ja'ilo'ob Caribe Mexicano, u ya'abile' tu xamanil U Petenil Yucatán.

"Ku yila'al tu petenil Contoy, Isla Mujeres, Holbox, naats' Cabo Catoche tu'ux ku taamtal ja', Golfo de California, je'el bix xan tu ja'ilo'ob Pacífico.

Ku tukulta'ale', ts'o'ok 60 miyoonesil ja'abo'ob kajlak le ba'ache'a' way yóok'ol kaaba', ku p'isik ichil 12 tak 20 meetros u chowakil, yéetel chéen leti' táaka'an ichil u baatsil Rhincodontidae, ichil u jeeneroil Rhincodon.

Kex tumen ma' juntúul ts'iik ba'alche'i', ma' táaka'an ichil ba'alche'ob jatsa'an beey mamiiferóo; jatsa'an beey obiiparóo, ba'ale' je' ku ye'elsike' tu jobnel u na' ku p'aatal tak

kéen siijik u mejenilo'. U wíinkilale' chowak, yéetel u boonile' samal boox wa boox ch'ooj tu paach. Yaan u wóowolis ch'aajo'ob yéetel u t'o'olil u paach, le beetik te'e baantaa' K'ajóolta'an beey "Domino".

Xbioologa Graciela Saldaña tu tsikbaltaje' mina'an u koj, máaytibil u beetik u yo'och. KU tukulta'ale' te'e yóok'ol kaaba' yaan kex 7 mil u túul k'anxok báayenáa. Tu ja'ilo'ob Caribe Mexicano' ku yila'al ichil 170 tak 400 u túul sáansamal, ba'ale' tu ja'abil 2019 p'itichaj le beyka'aja'. Tu jo'oloj ka'ap'eel ja'abe', ka'a yanchaj u jeelo'ob, tumen tak agosto ti' le ja'abil 2022a', ila'ab tak 350 u túulal.

Uláak' ba'al tu ya'alaj xbioologae', ti'al u K'iinil 30 ti' agosto ku máan U K'iinil K'anxok Báayenáa, úuchik u je'ets'el tu ja'abil 2008 ti' jump'eel múuch'tambal tu'ux tsikbalta'ab jejeláas ba'al yóok'lal le ba'alche'a'.

ANA RAMÍREZ

OOCHEL SATYA S.C. / LJM

ESPECIAL: FAUNA NUESTRA | P. 44 TAK 46